



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

2. Dies Januarii. Ecce nova facio omnia. Apoc. 21. 5. Cum anno novo,  
Partus Hominis novi.

---

---

**Nutzungsbedingungen**

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Januar.

Tessera.

3

teritum Pudor, ad præsens Dolor, ad futurum Timor, cogitando quid fuisti, es, eris.

*Esse, fuisse, fore, tria florida sunt sine flore:*

*Nam simul omne perit, quod fuit, est, & erit.*

## 2. DIES JANUARI.

Ecce nova facio omnia. *Apoc. 21. 5.*

*Cum anno novo, Partus Hominis novi.*

Cum no- I. **N**Ovus, quem heri fuimus au-  
vo anno spicati, annus, nova omnia  
nova om- exigit in omnibus. Nova o-  
nia facien- pera, nova desideria, novas  
da. cogitationes, novos pro salute conatus, novos pro  
cælo labores, nova pro æternitate studia: nova con-  
tra hostes nostros prælia. Nunc adhortatur nos  
Deus, voce Ezechielis, sub exordium novi Annis  
(a) *Facite vobis cor novum, & spiritum novum.* Nunc  
per totum orbem latè resonat argentea illa Spiritus  
sancti tuba (sic Paulum appellat D. Chrysostomus)  
adhortans ut olim Ephesios, sic omnes ubique terra-  
rum diffusos Catholicos: (b) *Induite novum hominē.*  
Imò vult, ut quilibet sit in Christo, (c) *Nova Crea-  
tura.* Denique sic debent esse cum hoc novo anno,  
omnia nova, ut quisque dicere possit, quod Agnus  
ille Apocalypticus è suo throno: (d) *Ecce nova facio  
omnia.* Quia omnia quæ priùs faciebam, erant opera

A 2

veteris

(a) *Ezech. 18. 31.* (b) *Eph. 4. 24.* (c) *2. Cor. 5. 17.*  
(d) *Apoc. 21. 5.*



veteris hominis, Adami: sed omnia, quæ nunc facio, sunt opera novi hominis, Christi.

II. Sed quid est, quòd oriente anno novo, debent omnia esse nova? Quæris causam? Ea non est una. Quia fortè hoc anno multa tibi evenient, quæ hæctenus nunquam evenerunt, nec putabas posse evenire, nova. Nunquid tibi foret novum, hoc anno audire vocem illam hucusque tibi inauditam: (a) *Dispone domui tuæ, quia morieris tu, & non vives?* Hoc forsàn anno lectus tibi erit, non ut prius è molli ansere, sed è duro asserere; vestis, sindon sepulchralis; pulvinar capitis, manipulus straminis; domus, cæca telluris specus; crines, vermes; pulchritudo, putredo, odor, fætor. Forsàn ante finem hujus anni, corpus tuum nunc vegetum, paulò post rigidum, & frigidum circumscribetur angustiis contractæ sandapilæ, & à vespilonibus triste funus per vicos, mæstum sonante ære campano, effereris; pone sequentibus pullo amictu vicinis, & consanguineis: postea ponetur super feretrum, inde ad tumulura; ubi passis funibus demittetur in tenebri- cosum, & olidum terræ antrum, quo tumultuariis cespitibus tecto, eodem in tumulo, altâ oblivione sepelietur memoriæ tui, quo cadaver tuum.

III. Hæc omnia si tibi, quæ aliquando, hoc ipso acciderent anno, nunquid essent tibi prorsus inexpectata, atque adeò penitus nova? Quod si Dei beneficio, velut è speculâ, certò tibi eventura hæc omnia nova prævideres, nonne tibi jam seriò, ne postea fors seriùs, tibi provideres? Itaque jam  
nunc

(a) *Isai. 38. 1.*



Januar.

Tessera.

5

nunc sic vitam ordire novam; ac si certò hic annus tibi foret novissimus. Si sit novissimus, ô quod tibi erit gaudium audienti: (a) *Novissima hora est.* Dum respiciens, videbistantum bonorum operum acervum, meritorum cumulum, incrementum gratiæ, & tot gradus gloriæ. Nunc igitur toto animo erigere, magnoque ausu, ac pari conatu, novam auspicare vitam, ne tunc velis rectè vivere, dum desinendum est vivere. Stas forsitan ut in anni limine, sic & in vitæ limite. Ne fidas corpori, quia robustum, non viribus, quia firmæ, non ætati, quia florida. Totum tuum vivere, levi morbo concidit, tuque te prius ad æternitatem miraberis abreptum, quem meruebas abripiendum. Sæpè enim ægrotare incipimus, & mori: intra partem unius horæ, sani, ægri, vivi, mortui. Non facilè peribis, si quovis die seriò caves, ne pereas. Cùm igitur sit jam annus novus, esto tu homo novus: & dic cum D. Thoma.

*Recedant vetera,  
Nova sint omnia,  
Corda, voces, & Opera.*

(a) 1. Joan. 2.18.

\*\*\*

\*\*

A 3

III. DIES